

The Electronic Manipulus florum
www.manipulusflorum.com

Superbia ax
cum fonte primo

Cetera uicia solas illas uirtutes
impetunt quibus ipsa destruuntur, ut
luxuria pudicitiam, ira pacientiam; sola
uero superbia contra cunctas animi
uirtutes se erigit, et quasi generalis ac
pestifer morbus omnes corrumpit.

Signa autem superbie hec sunt: clamor in
locucione, amaritudo in silencio,
dissolucio in hylaritate, furor in tristicia,
honestas in ymagine, inhonestas in
actione, rancor in reprehensione.

Hugo ibidem (de anima) libro II.

Caetera vitia solas illas uirtutes
impetunt, quibus ipsa destruuntur; ut
luxuria pudicitiam, ira patientiam: sola
uero superbia contra cunctas animi
uirtutes se erigit, et quasi generalis ac
pestifer morbus omnes corrumpit.
Idcirco nisi omnia opera nostra humilitas
praecesserit, comitata et consecuta
fuerit; proposita quam intueamur;
apposita cui adhaereamus; interposita
qua reprimamur: totum de manu
extorquet superbia. Quantalibet sit
iustitia operis, apud internum iudicem
nulla est, si hanc elevat tumor mentis.
Perit reuera omne quod agitur, si non
sollicite in humilitate custodiatur.
Signa superbiae haec sunt: clamor in
locucione, amaritudo in silentio,
dissolutio in hilaritate, furor in tristitia,
honestas in imagine, inhonestas in
actione, rancor in reprehensione.
Pseudo-Bernardus Claraeuallensis,
Tractatus de interiori domo, 23 (PL 184,
col.533A).